



**Francisci Monacelli Eugubini J. U. D. Protonotarii  
Apostolici, olim Ecclesiae Venusinae, ac deinde Aesinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad  
Officium Judicis nobile, continentur ; Opus Episcopis, Vicariis Generalibus,  
Aliisque Iurisdictionem quasi Episcopalem exercentibus: necnon  
Confessariis, Parochis, Cancellariis, cæterisque in dicto Foro versantibus,  
apprimè utile ...

**Monacellus, Franciscus**

**Venetiis, 1706**

Legalitatis Parochi Form. XXII.

---

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

## Monitionis de adimplemento præcepti Paschatis.

## F O R M U L A XXI.

**T**utti li fedeli Christiani dell'uno, e dell'altro sesso, quando siano arrivati ad haver l'uso della ragione secondo il parere del Parocho, ò Confessore, sono tenuti à confessarsi de' proprii peccati almeno una volta l'anno, e parimente quando per l'età siano capaci, à comunicarsi ogn' anno nella propria Parochia almeno la Pasqua di Resurrettione di Nostro Signore Giesù Christo. Perciò si notifica a tutti, che onninamente nell'anno presente sodisfaccino a questo precepto della Santa Chiesa; altrimenti quelli, che ne trascureranno l'adempimento, conforme dispongono i Sagri Canoni, faranno pubblicamente dichiarati interdetti dall'ingresso della Chiesa, e privi della Sepultura Ecclesiastica in evento di morte.

## ADNOTATIO.

**H**Æc Parochi admonitio per eum populo facienda est inter Missarum solemnias in Dominica quarta, vel Dominica Passionis Quadragesimæ,

monendo Patres, & Matres familias, ut mittant ad ipsum tempore congruo filios, & filias ætatis capaces, ut possint edoceri de his, quæ pertinent ad Sacramentum Pœnitentiæ, & dispositionem sumptionis Eucharistiæ.

## Legalitatis Parochi.

## F O R M U L A XXII.

## S U M M A R I U M.

- 1 Error circa personam est quadruplex, scilicet personæ, fortunæ, conditionis, & qualitatis.
- 2 Cogimur prodesse aliis, ubi nobis non obest.
- 3 Identitas personæ non præsumitur ex identitate nominis.

**S**Upradictum R. D. N. esse Parochum Ecclesiæ N. hujus Diœcesis N. & talem qualem se fecit, & facit, ejusque testimonialibus litteris semper hic, & ubique in judicio, & extrâ ab omnibus adhibitam fuisse, modòque plenam adhiberi fidem, cunctis per præsentem testamur. In quorum, &c.

N. Vicarius Generalis N.

Loco ✽ Sigilli.

N. Cancellarius.

## ADNOTATIONES.

**Q**uia frequenter tam in expeditionibus gratiosis, quàm judicialibus, Parochorum attestaciones requiruntur, & exhibentur: Ne contingat de veritate, & legalitate earum-

dem suspicari (præsertim extrâ Diœcesim) idèò muniuntur legalitate Tribunalis Episcopi: Quod eadem Formula uti poterit quoties de legalitate personæ Notariorum, seu Cancellarii testetur, variando solummodò ly--Testimonialibus litteris, in ly--Scripturis publicis, & similibus.

2. **ESSE TALEM QUALEM SE FACIT, ET FACIT.** Quia multiplex est error, qui circa personæ identitatem oriri potest, idè ut vitetur, Ordinarius fidei iussor accedit. Alius est enim error personæ, alius fortunæ, alius conditionis, alius qualitatis. Error personæ, quando putatur esse Virgilius, & ipse est Plato. Error fortunæ, quando putatur hic esse dives, qui est pauper. Error conditionis, quando putatur esse liber, qui est servus. Error qualitatis, quando putatur esse bonus, qui malus est, *cap. unic. 29. q. 1. ubi habetur, quod error fortunæ, & qualitatis conjugii consensum non excludit.*

3. **CUNCTIS TESTAMUR.** Testimonium identitatis, & legalitatis personæ

Patochi, vel Notarii, Ordinarii non possunt denegare; quia cogimur de jure aliis prodesse, ubi nobis non obest, ut inquit *Glof. in cap. quisquis 11. quest. 3.* Quod quidem juvat, non solum ad excludendam fictionem, sed includendam identitatem personæ; quæ licet regulariter præsumatur, ex identitate, & nuncupatione ejusdem nominis, ut dicit *Medic. de regul. jur. par. 2. reg. 1. n. 14.* Nihilominus verior est opinio, quod ex sola nominis identitate inferri non valeat ad identitatem personæ, ut tenuit *Rot. dec. 133. n. 2. & 3. part. 15. & decis. 352. n. 31. p. 16. rec.* Cum experientia compertum sit, plures homines eodem tempore vivere etiam in eodem loco, qui eodem nomine, & agnomine nuncupantur.

## TITULUS XI.

### De Monialibus.

#### Præliudium.

#### SUMMARIUM.

1. *Accessus ad Crates Monialium ubi frequentes sunt abusus, potest esse casus reservatus.*
2. *Item potest prohiberi sub pœna excommunicationis latæ sententiæ, si eveniunt scandala, & n. 3.*

**N**Eque hic, neque alibi in tit. de edictis traditur Formula, qua Episcopus debeat accessum prohibere ad Collocutoria Monialium; quia non omnibus locis, & Diœcesibus convenit eadem Formula; sed talis prohibitio debet arctari, extendi, & moderari, prout abusus, & indigentia locorum postulat. Etenim etiam si regulariter accessus ad Collocutoria sine licentia, non sit casus reservatus Episcopo; adhuc si talis culpa esset frequens, & alio modo removeri non posset, utpotè quia simplex prohibitio cum

comminatione censurarum contemnitur, & indè inconvenientia oriuntur, permittitur, ut fiat casus reservatus, prout est *Bononiæ Sac. Congregat. Episcop. 26. Octobris 1604. licet antea sub 15. Aprilis 1603. id Archiepiscopo denegasset.*

2. Item pœna excommunicationis latæ sententiæ contra accedentes sine licentia Episcopi numquam fuit à Sac. Congregatione laudata, sed sequendo dispositionem text. in cap. *Monasteria de vir. & honestat. Cleric.* comminatoriam tantum approbat teste *Nicol. in fosc. verb. accessus n. 6.* quæ Congregationis sententia fulcitur rationibus adductis à *Donat. prax. rer. regular. to. 4. tract. 6. de acces. ad Monial. q. 18.*

3. Et nihilominus si ex frequenti accessu personarum, præsertim nobilium potentium, aut ex alia gravi circumstantia, scandala eveniant, & inconvenientia, excommunicationem etiam latæ sententiæ sustinet, prout bis proposita causa eadem *Sac. Congregat. Episcop. sustinuit in una Civitatis Castellæ contra accedentes ad Collocutoria Monasterii Monialium*